

BIZKAIKO "KORUEN EGUNA" URKIOLAN

Eskariak erdibana

1

Gaur Urkiolan alkartu gara
Bizkai aldeko Koruak,
alkar ikusiz, alkar berotuz,
alkar emonaz eskuak.
- Gure Jainkoak entzun daizala
gure otoitz ta kantuak,
lagun gaizala hain maite dogun
Urkiolako Santuak.

2

Jesus mudura jaio barritan
aingeru pilak kantari,
Koruak kantuz: "Ondo etorri"
gugana Datorrenari.
- Abenduan gu eske gaukazuz
otoitz, kantu ta eskari:
"Gora Zu, Jauna", eta bakea
emon gure Herriari.

3

Gure Eleizan Abendua da,
entzun da: "Urten bidera",
Salbatzailea gugana dator
bizia barriztatzerara.
- Zatoz bai, Jauna, zatoz gugana,
ikus gure egoera!
Zu gure bila, gu zure bila
maiteminduen antzera.

Laiko santuak gura dauzala
Frantzisko Erromakoak,
berak dinonez: "Sotana eta
mantelinarik bakoak".
- Isuri, Jauna, Espiritua
eta itzartu laikoak,
gaur munduaren erdian zure
testigu izatekoak.

5

Koru ta herri senitarte lez
gabiltz poz ta doluetan,
Jauna goralduz, alkar gozatuz
gure soinu kantuetan.
- "Gora Jainkoa", kantuz dinogu
eleizan gorespenetan,
lagun eiguzu gores zaiguzan
anaiarteko lanetan.

6

Urkiolako Santutegian
"Koruen egun" alaian,
Eleiz bizitzan dogun dohaia
abestiz agertu nahian.
- Jauna, sendotu gaizuz fedean
kristau alkarteko mahaian,
arnas barria hartu dagian
gure Eleizak Bizkaian.

A. Martzel